

四庫全書

集部

欽定四庫全書

御定全唐詩卷八百九

靈一

靈一姓吳氏廣陵人居餘杭宜豐寺禪誦之暇輒賦詩
歌與朱放張繼皇甫曾諸人為塵外友詩一卷

酬皇甫冉西陵見寄

一作西陵渡

西陵潮信滿島嶼沒

一作入

中流越客依風水相思南渡

頭寒光生極浦落日

一作暮雪

映滄洲何事揚帆去空驚海

江一作上鷗

溪行即事

近夜山更碧入林溪轉清不知伏牛事

一作路

潭洞何從

橫野一作曲

岼煙初合平湖月未生孤舟屢失道但聽秋

泉聲

棲霞山夜坐

山頭戒壇路幽映雪

一作雲

岩側四面青石牀一峰苔蘚

色松風

一作松風

靜復起月影開還黑何獨乘夜來殊非晝

一作書
一作畫
所得

宿天柱觀

一作宿
靈洞觀

石室初

一作
因

投宿仙翁喜暫

一作
幸見

容花源隔

一作
隨

水見

一作
遠

洞府過山逢泉湧堦前地雲生戶外峰中宵自入

定非是欲降龍

酬皇甫冉將赴無錫於雲門寺贈別

湖南通古寺來徃意無涯欲識雲門路千峰到

一作
向

若

耶春山子敬

一作
猷

宅古木謝數家自可長偕隱那言

一作

云一
作堪 相去賒

宜豐新泉

泉源新湧出洞澈映纖雲稍落芙蓉沼初淹苔一作碧蘇

文素將空意合一作了將淨一作素與衆流分每到一作對

清宵月泠泠一作然夢裏聞

靜林精舍寺即梁武帝未達時所居寺中有鐘磬皆古物時時有聲在安吉州精

舍一
作寺

靜林溪路一作精舍遠蕭帝有遺蹤水擊羅浮磬山鳴于聞

鐘燈傳三世

一作際

火樹老萬

一作五

株松無數

一作復

煙霞

色空聞昔臥龍

江行寄張舍人

客程終日風塵苦
蓬轉還家未有期
林色曉分殘雪後

角聲寒奏落帆時
月高星使東看遠
雲破霜鴻北

一作逢欲

度遲流蕩此心難
共說千峰澄霽隔
瓊枝

送王穎悟歸左綿

一本無下三字
一作佐歸州

客意天南興已闌
不堪言別向仙官
夢搖玉珮隨旄

一作

旌節心到金華憶杏壇荒郊極望歸雲盡瘦馬空

長一作

嘶落日殘想得故山青靄裏泉聲入夜獨潺潺

安公

彌天稱聖哲象法初繫賴弘道識行藏匡時知進退秦
王輕與舉習生重酬對學文古篆中義顯心經內法服
應華夏金言流海岱西方浮雲間更陪龍華會

林公

支公信高逸久向山林住時將孫許遊豈以形骸遇幸

辭天子詔復覽名臣疏西晉尚虛無南朝久淪悞因談
老莊意乃盡逍遙趣誰為竹林賢風流相比附

遠公

遠公逢道安一朝弃儒服真機久消歇世教空拘束誓
入羅浮中遂棲廬山曲禪經初纂定佛語新名目鉢帽
絕朝宗簪裾翻拜伏東林多隱士為我辭榮祿

雨後欲尋

一作往

天目山問元駱二公溪路

昨夜雲生天井

一作目

東春山一雨一

一作幾

回風林花併

逐溪流下欲上龍池

一作門

通不通

題僧院

虎溪閑月引相過帶雪松枝挂薜蘿無限青山行欲盡
白雲深處老僧多

宿靜林寺

山寺門前多古松溪行欲到已聞鐘中宵引領尋高頂
月照雲峰凡幾重

再還宜豐寺

再尋

一作過

招隱地重會息

一作宿

心期樵客問歸日山僧

記別時野雲陰遠甸秋雨漲前陂

一作池

勿謂探形勝

一作

頻來此

吾今不好奇

春日山齋

野逕東風起山扉度日開晴光拆紅萼流水長青苔
逋客殊未去芳時已再來非關戀春草自是欲裴回

留別忠州故人

一作惟審詩

一身無定處萬里獨銷魂芳草迷歸路春流滴淚痕幾

時休旅食何夜宿江村欲識相思苦空山啼暮猿

送別

憑高莫送遠看欲斷歸心別恨啼猿苦相思流水深翠
雲南澗影丹桂晚山陰若未來雙鵲遼城何更尋

送冽寺主之京迎禪和尚

禪門居此地瞻望在虛空水國月未上蒼生如夢中上

人知機士瓶

一作引

錫慰樊籠彼土諸梵衆嗟君揚道風

送王法師之西川

旅遊無近遠要自別魂銷官柳鄉愁亂春山客路遙伴
行芳草遠一作綠緣一作隨興野花飄計日功成後還將輔
聖朝

送範律師往果州

終南千古後獨爾繼卿名離障非今日脩因是幾生亂
峰寒影暮深澗野流清遠客歸心苦難為此別情

送明素上人歸楚覲省

能將疎懶背時人不厭孤萍任此身江上昔年同出處

天涯今日共風塵平

一作小

湖舊隱

一作逕

應殘雪芳草歸

心未隔春前路倍憐多勝事到家知慶綵衣新

項王廟

一作樓
一詩

緬想咸陽事可嗟楚歌哀怨思無涯
八千子弟歸何處
萬里鴻溝屬漢家
弓斷陣前爭日月
血流垓下定龍蛇
拔山力盡烏江水
今日悠悠空浪花

酬陳明府舟中見贈

長溪通夜靜素舸與人閑
月影沈秋水風聲落暮山
稻

花千頃外蓮葉兩河間陶令多真意相思一解顏

題東蘭若

上人禪室路裴回萬木清陰向日開寒竹影侵行逕石

秋風聲

一作煙

入

一作天
花香散

誦經臺閑雲不繫從舒卷狎鳥

無機任往來更惜片陽談妙理歸時莫待暝鐘催

送朱放

苦見人間世思歸洞裏天縱令山鳥語不廢野人眠

歸岑山過惟審上人別業

一作歸岑
山留別

禪客無心憶薜蘿自然行徑向山多知君欲問人間事
始與浮雲共一過

於潛道中呈元八處士

一本題上有自青山詩四字道中下有作字

茗水灘行淺潛州路漸深參差遠岫

一作村

色迢遞野人

心凍澗冰難釋秋山日易陰不知天目下何處是

一作訪

雲林

送殷判官歸上都

漾舟雲路客來過夕陽時向背堪遺恨逢迎宿未期水

容愁暮急花影動春遲別後王孫草青青入夢思

贈別皇甫曾

幽人從遠岳過客愛春

一作青

山高駕能相送孤遊

一作舟

且未還紫苔封井石綠竹掩

一作映

柴關若到雲峰外齊

心去住間

送陳允初卜居麻園

欲向麻源隱能尋謝客蹤空山幾千里幽谷第三重茅

一作巖

宇寧須葺荷衣不待縫因君見往事為我謝喬松

秋題劉逸人林泉

涼飈亂黃葉遲客橘陰清蘿徑封行跡雲門閉野情零
林秋露響穿竹暮煙輕莫戀幽棲地懷安却敗名

自大林與韓明府歸郭中精舍

野客同舟楫相攜復一歸孤煙一作雲生暮景遠岫帶春

暉不道還山是誰云向郭非禪門有通隱喧寂共忘機

同使君宿大梁驛

與清江喜皇甫大夫
同宿大梁驛詩小異

旌旗江上出花外捲簾空夜色臨城月春寒度水風雖

然行李別且喜語音同若問匡廬事終身媿遠公

題黃公陶翰別業

一作處一詩一作蘇廣文詩
題云自商山宿陶令隱居

聞說花源堪避秦幽尋數月

一作日

不逢人煙霞洞裏無

雞犬風雨林間

一作中

有鬼神黃公石上三芝秀陶令門

前五柳春醉臥白雲閑入

一作作

夢不知何物是吾身

哭衛尚書

畫戟重門楚水陰天涯欲暮共傷心南荆雙戟痕猶在
北斗孤魂望已深蓮花幕下悲風起細柳營邊曉月臨

有路茫茫向誰問
感君空有淚霑襟

贈靈澈禪師

禪師來往翠微間
萬里千峰到

一作見

剡山何時共到天

台裏身與浮雲處處閒

將出宜豐寺留題山房

池上蓮荷

一作花

不自開山中流水偶然來
若言聚散定

由我未是回時那得回

妙樂觀

一作題王喬觀
傳道士所居

王喬所居空山觀白雲至今疑不散壇場月路幾千年
往往吹笙下天半瀑布西行過石橋黃精採根還採苗
忽見一人擎茶椀松一作藜花昨夜風吹滿自言家一作住
處在東坡白犬相隨邀我過松間石上有碁局能使樵
人爛斧柯

與元居士青山潭飲茶

野泉煙火白雲間坐飲香茶愛此山巖下維舟不忍去
青溪流水暮潺潺

送人得蕩子歸倡婦

一作行
不歸

垂涕憑回信為語柳園人情知獨難守又是一陽春

句

瀟泉侵月起掃徑避蟲行

丹鉛
錄

御定全唐詩卷八百九

欽定四庫全書

御定全唐詩卷八百十

靈澈

靈澈字源澄姓湯氏會稽人雲門寺律僧也少從嚴維
學為詩後至吳興與僧皎然遊貞元中皎然薦之包佶
又薦之李紆名振輦下緇流嫉之造飛語激中貴人貶
徙汀州會赦歸鄉詩一卷今存十六首

聽鶯歌

新鶯傍簷曉更悲孤音清冷嚙素枝口邊血出語未盡
豈是怨恨人不知不食枯桑甚不銜苦李花偶然弄樞
機婉轉凌煙霞衆雛飛鳴何跼促自覘游蜂啄枯木玄
猿何事朝夜啼白露長在汀洲宿黑鷗黃鶴豈不高金
籠玉鉤傷羽毛三江七澤去不得風煙日暮生波濤飛
去來莫上高城頭莫下空園裏城頭鷓鴣鳥拾糴腥空園
燕雀爭泥滓願當結舌含白雲五月六月一聲不可聞

歸湖南作

山邊水邊待月明暫向人間借路行如今還向山邊去
只有湖水無行路

初到汀州

初放到滄洲前心詎解愁舊交容不拜臨老學梳頭
室白雲去故山明月秋幾年猶在此北戶水南流

九月和于使君思上京親故

清晨有高會賓從出東方楚俗風煙古汀洲草木涼
情來遠思菊意在重陽心憶華池上從容駕鷺行

送道虔上人游方

律儀通外學詩思入玄關
煙景隨緣到風姿與道閑
貫花留淨室呪水度空山
誰識浮雲意悠悠天地間

送鑒供奉歸蜀寧親

林間出定戀庭闈聖主恩深暫許歸
雙樹欲辭金錫冷四花猶向玉階飛
梁山拂漢分清境蜀雪和煙惹翠微
此去不須求綵服紫衣全勝老萊衣

天姥峯望天台山

天台衆峯外華頂當寒空有時半不見崔嵬在雲中

遠公墓

古墓石稜稜寒雲晚景凝空悲虎溪月不見鴈門僧

宿東林寺

一作雲門雪夜

天寒猛虎叫巖雪

一作穴林一作松

下無人空有月千年像

教今不聞焚香獨為鬼神說

簡寂觀

古松古柏巖壁間
後攀鶴巢古枝折
五月有霜六月寒

時見山翁來取雪

元日觀郭將軍早朝

欲曙九衢人更多
千條香燭照星河
今朝始見金吾貴
車馬縱橫避玉珂

東林寺酬韋丹刺史

韋丹帥洪州時靈澈居廬山丹與為忘形之契篇什

倡和月居四五丹寄一詩
寓思歸之意澈荅此詩

年老心閑無外事
麻衣草座亦容身
相逢盡道休官好
林下何曾見一人

東林寺寄包侍御

古殿清陰山木春
池邊跂石一觀身
誰能來此焚香坐
共作鑪峯二十人

西林寄楊公

日日愛山歸已遲
閑閑空度少年時
余身定寄林中老
心與長松片石期

荅徐廣叔四問

童子出家無第行
隨師乞食遣稱名
長沙豈敢論年幾

絳老惟知甲子生

聞李處士亡

時時聞說故人死
日日自悲隨老身
白髮不生應不得
青山長在屬何人

句

松樹有死枝塚上
唯莓苔石門無人入
古木花不開

道邊

古墳 綠竹歲寒在
故人衰老多

荅范校書

月色靜中見
泉

聲深處聞

石帆山

古觀茅山下
諸峯欲曙時
真人是黃

子玉堂生紫芝

題李尊師堂

禪門至六祖衣鉢無人得

題曹

溪能大師
樊山居

古墓碑表折荒壠松柏稀

傷古墓

秋深知

氣正家近覺山寒

登梨嶺望越中

山僧不記重陽日因見茱

萸憶去年

九日

今非古獄下莫向斗邊看

宿延平懷古

海月

生殘夜江春入暮年窗風枯硯水山雨慢琴弦

見雪浪齋日記

大易

大易公安沙門詩二首

湘夫人祠

第三句
缺一字

靈祠古木合波颺大江漬未湘南雨知為何處雲苔
痕澀珠履草色妒羅裙妙鼓彤雲瑟羈臣不可聞

贈司空拾遺

侍臣何事辭雲陞江上微雲

一作吟

見雪花望閣

一作闕

未

承丹鳳詔掩

一作開

門空對楚

一作野

人家陳琳草奏才還

在王粲登樓興未賒高館更容塵外客仍令歸路待

一作

奉
瑤華

法照

法照大歷貞元間僧詩三首

寄錢郎中

閉門深樹裏閑足鳥來

一作過五

馬

不復貴一僧

誰奈何藥

一作稻

苗家自有香飯乞時多寄語嬋娟客將

心向薜蘿

送清江上人

越人僧體古清慮洗塵勞一國詩名遠多生律行高見

山援葛藟避世著方袍早晚雲門去儂應逐爾曹

僧伽闍衣

為方袍

送無著禪師歸新羅

萬里歸鄉路隨緣不算程
尋山百衲弊過海一杯輕
夜宿依雲色晨齋就水聲
何年持貝葉却到漢家城

釋泚

釋泚大歷時人詩二首

游元象泊

空水潮色淨澹然湖上心
舳艫輕且進汀洲如可尋
秋

風洄沂陰落日波濤深寂寞武陵去中流方至今

北原別業

野外車騎絕古邨桑柘陰流鶯出谷靜春草閉門深
學稼農為業忘情道作心因知上皇日鑿井在靈

一作開松竹

林

龐蘊

龐蘊字道玄衡州衡陽縣人貞元初謁石頭遷有省遷
問曰子以緇耶素耶蘊曰願從所慕遂不剃染世號龐

居士詩七首

雜詩

未識龍宮莫說珠識珠言說與君殊空拳只是嬰兒信
豈得將來誑老夫

萬法從心起心生萬法生法生同日了來去在虛行寄
語修道人空生慎勿生如能達此理不動出深坑

極目觀前境寂寞無一人迴頭看後底影亦不隨身


神識苟能無罣礙廓周法界等虛空不假坐禪持戒律

超然解脫豈勞功

日用事無別惟吾自偶偕頭頭非取舍處處勿張乖
紫誰為號青山絕點埃神通并妙用運水及搬柴

十方同聚會個個學無為此是選佛場心空及第歸

焰水無魚下底鉤
覓魚無處笑君愁
可憐谷隱老禪伯
被唾如何見亦羞



御定全唐詩卷八百十

欽定四庫全書

集部

御定全唐詩卷八百十一至
四

詳校官庶吉士臣何道沖

總校官知縣臣繆琪

校對官中書臣金光悌

謄錄監生臣蔣如燕

欽定四庫全書

御定全唐詩卷八百十一

護國

護國江南人工詞翰有聲大厯間詩十二首

歸山作

諠靜各有路偶隨心所安縱然在

一作好

朝市終不忘林

壑四皓將拂衣二疏能挂冠窓前隱逸傳每日三時

一作

時看靳尚那可論屈原亦可歎至今黃泉下名及青雲

端松牖見初月花間禮古壇何處論心懷世上空漫漫

題醴陵玉仙觀歌

一作靈一詩一作題
王喬觀傳道士所居

王喬一去空仙觀白雲至今凝不散星一作苔垣松殿幾

千秋

一作壇場月
露幾千年

往往笙歌下天半瀑布西行過石橋

黃精採根還採苗路逢

一作忽見

一人擎藥

一作茶

椀松

一作蓼

花夜雨風吹滿自言家住

一作住處

在東坡白犬相隨邀我

過南山

一作松間

石上有碁局曾

一作能

使樵夫

一作人

爛斧柯

訪雲母山僧

森然古巖裏

一作碧
一作下

淨行一番

一作高

僧松下瀘寒水佛

前挑

一作燒

夜燈蓮花國土異貝葉梵書能想到空王境

一作所

無心問

一作戀

愛憎

題王班水亭

湖上見秋色曠然如爾懷豈惟歡隴畝兼亦外形骸待
月歸山寺彈琴坐暝齋布衣閑自貴何用謁天階

山中寄王員外

為問幽蘭桂空山復若何芬芳終有分採折更誰過望

在軒階近恩霑雨露多移居儻得地長願接瓊柯

許州鄭使君孩子

一作法振詩

毛骨貴天生肌膚片玉明見人空解笑弄物不知名
國器嗟猶小門風望益清抱來芳樹下時引鳳雛聲

愴故人舊居

惆悵至日暮寒鴉啼

一作青

樹林破階苔色厚殘壁雨痕

深命與時不遇福為禍所侵空餘行

一作竹

逕在令我歎

人吟

逢靈道士

浮邱山上見黃冠
松柏森森登古壇
一莖青竹以為杖
數顆仙桃仍未餐
長安市裏仍賣卜
武陵溪畔每燒丹
縮地往來無定所
花源到處路漫漫

別盛安

情人取次幾淹留
別後南州與北州
月色為憐今夜客
砧聲那似去年秋
欲除豺虎論三略
莫對雲山詠四愁
親故相逢且借問
古來無種是王侯

傷蔡處士

篋中遺草是琅玕對此空令灑淚看
三徑尚餘行跡在數螢猶是映書殘
晨光不借泉門曉暝色唯添隴樹寒
欲問皇天天更遠有才無命說應難

臨川道中

出谷入谷路回轉秋風已至歸期晚
舉頭何處望來蹤萬仞千山鳥飛遠

贈張駙馬斑竹拄杖

此君與我在雲溪勁節奇文勝杖藜為有歲寒堪贈遠
玉階行處願提攜

法振

一作震
一作貞

法振大厯貞元間以詩名詩十六首

病愈寄友

哀樂暗成疾臥中芳月移西山有清士孤嘯不可追
擣藥晝林靜汲泉陰澗遲微蹤與麋鹿遠謝求羊知

程評事西園之作

誰向春鶯道名園已共知簷前迴水影城上出花枝搖
拂煙雲動登臨翰墨隨相招能不厭山舍為君移

陳九溪中草堂

溪草落澌澌魚飛入稻田早寒臨洞月輕素卷簾煙
頻幘題新句簑衣象古賢曙花閑秀色三十六峯前

題天長阮少府湖上客歸

孤櫂移官舍新農寄楚田晴林渡海日春草長湖煙臥
對閒鷗戲談經稚子賢佳期更何許應向嘯臺前

題萬山許鍊師

道成人不識流水響空山
花暗軒窓外雲隨坐臥間
驗圖名已久絕粒事長閑
更欲崑崙去羞看絳節還

河源破賊後贈袁將軍

白羽三千駐蕭蕭萬里行
出關深漢壘帶月破蕃營
蔓草河原色悲笳碎葉聲
欲朝王母殿前路駐高旌

越中贈程先生

紗帽度殘春虛舟寄一身
溪邊逢越女花裏問秦人
古

塞連山靜陰霞落海新有時城郭去暗與酒家親

送常大夫赴朔方

關山今不掩軍候鳥先知大漢嫖姚入烏孫部曲隨高
旌天外駐寒角月中吹歸到長安第花應再滿枝

送人遊閩越

不須行借問為爾話閩中海島陰晴日江帆來去風道
游玄度宅身寄朗陵公此別何傷遠如今關塞通

送褚先生海上尋封鍊師

潮落風初定天吳避客舟近承三殿旨欲向五湖游不
厭烏皮几新縫鶴氅裘明珠漂斷岸陰火映中流華蓋
芝童引神丹桂女收懸知居縹緲因為識浮丘

送韓侍御自使幕巡海北

微雨空山夜洗兵繡衣朝拂海雲清幕中運策心應苦
馬上吟詩卷已成離亭不惜花源醉古道猶看蔓草生
因說元戎能破敵高歌一曲隴關情

張舍人南谿別業

新田繞屋半春耕
藜杖閒門引客行
山翠自成微雨色
谿花不隱亂泉聲
漁家遠到堪留興
公府懸知欲厭名
入夜更宜明月滿
雙童喚出解吹笙

別盧使君歸故柵村

歸風白馬引嘶聲
落日猶看楚客情
塞口竹綠空戍沒
潮頭沙擁慢岡成
松田且欲親耕種
郡守何偏問姓名
東道宿程投故柵
依依漁父解相迎

丹陽浦送客之海上

不到終南向幾秋移居更欲近滄洲
風吹雨色連村暗潮擁菱花出岸浮
漠漠望中春自豔寥寥泊處夜堪愁
如君豈得空高枕只益天書遣遠求

月夜泛舟

西塞長雲盡南湖片月斜漾舟人不見臥入五陵花

送友人之上都

玉帛徵賢楚客稀猿啼相送武陵歸
湖頭望入桃花去一片春帆帶雨飛

句

畫鼓催來錦臂襄小娥雙起整霓裳

柘枝見
韻語陽秋

御定全唐詩卷八百十一

欽定四庫全書

御定全唐詩卷八百十二

清江

清江會稽人善篇章大厯貞元間與清晝齊名稱爲會稽二清詩一卷

早發陝州途中贈嚴祕書

此身雖不繫憂道亦勞生萬里江湖夢千山雨雪行人家依舊壘闕路閉層城未盡

絕一作

交河寇猶屯細柳兵

一作營 艱難嗟遠客 一作棲託 賴深情 貧病 一作苦 吾將 一作

何有精脩許 一作謝 少卿

早春書情寄河南崔少府

春日 一作東 風至陽和似不均 病身 一作安 空益老

愁 一作衰 鬢不知春 宇宙成遺物 光陰促幻身 客遊傷末

路 心事向行 一作何 人道薄猶懷土 一作玉 時難欲厭貧微

才如可寄赤縣有鄉親

春遊司直城西鷓鴣谿別業

別墅軍城下閑誼未可齊春深花蝶夢曉隔柳煙鞞韶
景浮寒水疎楊映綠堤沿洄看竹色來往聽鶯啼久慢
持生術多親種藥畦家貧知素行心苦見清溪越客初
投分南枝得寄棲禪機空寂寞雅趣賴招攜本寺重江
外遊方二室西裴回戀知己日夕草萋萋

夕次襄邑

何處戒

一作成

吾道經年遠路中客心猶向北河水自歸

東古戍鳴寒角疎林振夕風輕舟惟載

一作有

月那與故

人同

宿嚴維宅簡章八元

一作宿嚴
祕書宅

佳期曾不遠
甲第即南鄰
惠愛偏相及
經過豈厭頻

一作

貧

秋寒林

一作
光寒

葉動夕霽

一作
露

月華新
莫話羈棲事
平

原是主人

贈淮西賈兵馬使

破寇功成百戰場
天書新拜漢中郎
映門旌旆春風起

對客弦歌白日長
階下關雞花乍發

一作
折

營南試馬柳

初黃由來吳楚

一作楚蜀

多同調感激逢君共異鄉

送堅上人歸杭州天竺寺

十年勞負笈經論化中朝
流水知鄉近和風惜別遙
雲山零夜雨花岼上春潮
歸臥南天竺禪心更寂寥

送贊律師歸嵩山

一作無可詩

禪意

一作客

歸心急

一作山意

山深定易安清貧脩道苦孝友

別家難雪路侵溪轉花宮映嶽看到時瞻塔暮松月向

人寒

上都酬章十八兄

每歎經年別人生有幾年關河長問道風雨獨隨緣
寓蝶成莊夢懷人識桐賢微猷不及此空媿白華篇

登樓望月寄鳳翔李少尹

陌上涼風槐葉凋夕陽秋露濕寒條登樓望月楚山上
月到樓南山獨遙心送秦人趨鳳闕月隨陽鴈極煙霄
軒車不重無名客此地誰能訪寂寥

湘川懷古

瀟湘連汨羅復對九疑一作疑河浪勢屈原塚竹聲漁父

歌地荒征騎少天暖浴禽多脉脉東流水一作去古今同

柰何

七夕

七夕景迢迢相逢只一宵月為開帳燭雲作渡河橋映

水金一作花冠動當風玉珮搖惟一作預愁更漏促離別在

明朝

長安臥病一作病起

身世足堪悲空房臥病

一作疾

時卷簾花

一作槐

雨滴掃石

竹陰移已覺生如夢堪嗟

一作那堪

壽不知未能通法性詎

可免

一作見支離

送婆羅門

一作可止詩

雪嶺金河獨向東吳山楚澤意無窮如今白首鄉心盡
萬里歸程在夢中

喜皇甫大夫同宿大梁驛

與靈一同使君宿大梁驛詩只差數字

江頭旌旆去花外卷簾空夜色臨城月春聲渡水風也

知行李別慙喜話言同若問廬山事終身愧遠公

酬姚補闕南仲雲溪館中戲題隨書見寄

寺溪臨使府風景借仁祠補袞周官貴能名漢主慈臥
雲知獨處望月憶同時忽枉絨中贈瓊瑤滿手持

喜嚴侍御蜀還贈嚴秘書

往年分首一作手出咸秦木落花開秋又春江客不曾知

蜀路旅魂何處訪情人當時望月思文友今日迎驄見
近臣多羨二龍同漢代繡衣芸閣共榮親

送韋

一作車

參軍江陵

一作戴叔倫詩

槐花落盡柳陰清
蕭索涼天楚客情
海上舊山無的信

東門

一作汴東

歸路不堪行
身隨幻境勞多事
跡學禪心厭

有名公子道存知
不棄欲依劉表住
南荆

月夜有懷黃端公兼簡朱孫二判官

月照疎林驚鵲飛
羈人此夜共無依
青門旅寓身空老
白首頭陀力漸微
屢向曲池陪逸少
幾回戎幕接玄暉
四科弟子稱文學
五馬諸侯是繡衣
江雁往來曾不定

野雲搖曳本無機，修行未盡身將盡。欲向東山掩舊扉。

精舍遇雨

一作可止詩

空門寂寂淡吾身，溪雨微微洗客塵。臥向白雲情未盡，任他黃鳥醉芳春。

小雪

一作可止詩

落

一作江雪

臨

一作隨

風不厭看更多還恐蔽

一作失

林巒

愁人正在書窗下，一片飛來一片寒。

句

萬木無一葉客心悲此時

秋日晚泊見
吟窗雜錄

御定全唐詩卷八百十二

欽定四庫全書

御定全唐詩卷八百十三

無可

無可范陽人姓賈氏島從弟居天仙寺詩名亦與島齊
集一卷今編為二卷

送呂郎中赴滄海一作州

出守滄州去西風送旆旌路遙經一作過幾郡地盡到孤

城拜廟千山綠登一作開樓遍海清一作晴何人共東望日

一作
月 向積濤生

書馬如文石門居

別業逸高情暮泉喧客亭林迴天關近雨過石門青野
果誰來拾山禽獨臥聽要迎文會友時復掃柴扃

送章正字秩滿東歸

朝衣登別席春色滿秦關芸閣吏誰替海門身又還尋
僧流水僻見月遠林閑雖是忘機者難齊去住間

賦得望遠山送客歸

遙山寒雨過正向暮天橫隱隱凌雲出

一作去

蒼蒼與一作

共水平何時凝厚地幾處映

一作向

孤城歸客秋風裏迴

看傷別情

送宜春裴宰

一作明府

是將軍旻之孫

垂白方為縣徒

一作從

知大父雄山春南去棹楚夜北飛

鴻壘嶂和雲滅孤城與嶺通誰知持惠化一境動清

一作

秋風

送朴山人歸日本

海霽

一作除

晚帆開應無鄉信催水從荒外積人指日邊

迴望國乘風久浮天絕島來儻因華夏使

一作下夢

書札轉

悠哉

送姚宰任吉州安福縣

一作送王明府之任安福

落絮滿衣裳攜琴問酒水

一作鄉

挂帆南入楚到縣半浮

湘吏散翠禽下庭閑斑竹長人安宜

一作知

遠泛沙上蕙

蘭香

一作芳

送李少府之任臨邛

邛南方作尉調補一何卑發論唯公幹承家乃帝枝山
長風裏棧江蔭石和澌舊井王孫宅還一作過尋獨有期

遊一作廬山寺

千峰路盤一作盤磴盡林寺昔何年一作年名步步入山影房房

聞水聲多年人跡斷一作絕殘照一作日一作月石陰一作冰清自

一作便可求居止安閒過此生

酬姚員外見過林下

掃苔迎五馬詩一作蔬藥過申鍾鶴共林僧見雲隨野客

逢入樓山隔水滴旆露垂松日暮題詩去空知雅調重

一作濃

寄華州馬戴

一作秋中聞馬戴遊華山因寄

三峰待秋上鳥外挂衣巾猶

一作獨

見無窮景應非暫往

一作住

身水寒仙掌路山遠

一作林靜一作雲住

華陽人欲問壇邊

月尋思闕復新

秋夜寄青龍

一作龍池

寺空貞

一作貞空

二上人

夜來思道侶木葉向人飄精舍池邊古秋山樹

一作月

下

遙磬寒

一作聲

徹幾里雲白已經宵未得同居止

一作居名世

蕭

一作脩

然自寂寥

過杏

一作石

溪寺寄姚員外

門徑衆峰頭盤巖復轉溝雲僧隨樹老杏水落江流峽

狖有時到秦人今日遊謝公多晚眺此景

一作境

在南樓

送僧歸中條

一作送覺法師往中條舊隱

夜葉動飄飄寒來話數宵卷經歸鳥

一作物

外轉雪過

一作

下山椒舊長

一作坐

松杉大難行水石遙元戎宗內學應

就白雲招

送人罷舉東遊

東堂今已負況此遠行難兼雨風聲過連天草色乾鴻
嘶荒壘閉兵燒廣川寒若向龍門宿懸知拭淚看

金州冬月陪太守遊池

一作林下對雪
送僧歸草堂寺

殘臘雪紛紛林間起送君苦吟行迴野投跡向寒雲絕

頂晴多去幽

一作遙

泉凍不一作未

聞唯應草堂寺高枕脫

人羣

寄青龍寺原

一作源

上人

一作冬日寄僧友

斂屨

一作履

入寒竹安禪過漏聲高杉殘子

一作葉

落深井

凍痕生罷磬風枝動懸燈雪屋明何當招我宿

一作乘友

月上方行

秋寄從兄賈島

一作秋夜宿西林寄賈島

暝

一作暗

蟲喧

一作分

暮色默思坐

一作坐思

西林聽雨寒更徹

盡

一作

開門落葉深昔因京邑病併起洞庭心亦是吾兄

事

一作弟

遲迴共

一作直

至今

新年

燃燈朝復夕漸作長年身紫

一作白

閤未歸日青門又見

一作直

春掩關寒過盡開

一作出

定草生新自有林中趣誰

驚歲去

一作月頻

夏日送崔秀才遊南

南方山水地念子為貧遊縱是

一作便

逢佳景

一作境

那能

緩

一作免

旅愁夕陽行遠道煩暑在孤舟莫向巴江

一作山

過猿啼促

一作感

淚流

晚秋酬姚合

一作侍御見寄

新命起高眠，江湖空浩然。
木衰猶有菊，燕去即無蟬。
分察千官內，孤懷遠嶽邊。
蕭條人外寺，睽阻又一作復經年。

暮秋宿友人居

招我郊居宿，開門但苦吟。
秋眠山燒盡，暮歇竹園深。
寒浦鴻相呌，風窗月欲沈。
翻嫌坐禪石，不在此松陰。

送李騎曹之武寧

一作送威武李騎曹之靈武寧省

一歲一歸寧，涼天數騎行。
河來當塞曲，

一作盡一作斷

山遠與

沙平縱獵旗風卷聽笳帳月生新鴻引寒色迴日滿一作落京城

秋日寄厲玄先輩

楊柳起秋色故人猶未還別離俱一作何自苦一作老少壯

豈能閒夜雨吟殘燭秋城憶遠山何當一作同相見語默此林間

冬晚與諸文士會太僕田卿宅

從容一作客啓華館饌玉復燒蘭是歲茲旬盡良一作青宵

幾刻

一作客

殘風

一作燈

迴松竹動人息斗牛寒此

一作後別

思良

一作吟

集須

一作先

期月再團

贈詩僧

寒山對水塘

一作廊

竹葉影侵堂洗藥冰生岫開門月滿

牀病多身又老枕倦夜兼長來謁吾曹者呈詩問否臧

寒夜過獻川師院

長生推獻壽法坐四朝登問難無彊敵聲名掩古僧絕
塵苔積地栖竹鳥驚燈語默俱忘寐殘窗半月稜

送顓法師往太原講兼呈

一作謁

李司徒

一作空

近臘辭精舍并州謁尚

上一作

公路長山忽盡塞廣雪無

窮講席開晴壘禪衣涉遠風聞經諸弟子應滿此

一作北

門中

冬日諸禪自商山禮正師真塔

一作喜緒法師往岐陽禮塔

迴見訪

久思今忽

一作欲

來雙屨污

一作滑

青苔拂

一作掃

雪從山

一作

雲起過房禮塔迴偈

一作句

留閑夜作禪請暫時開欲作

孤雲去賦詩

一作此時

余不才

題青龍寺縱公房

從誰得

一作傳

法印不離上方傳夕磬城霜下寒房

一作窗

竹月圓煙

一作燈

殘衰木畔

一作落

客住

一作往

積

一作磧

雲邊

未隱滄洲去時來於此禪

贈圭峰禪師

一作寄圭峰宗密師

絕壑禪牀底泉分落石層霧交高

一作澆齊

頂草雲

一作雪

隱下方燈朝滿傾心客溪連

一作通

學道僧半旬持

一作時

一食此事

一作行

有誰能

陪姚合遊金州南池

一作金州夏晚陪姚合員外遊南池

柳暗清波漲衝萍復漱苔張筵

一作帆

白鳥起

一作下

掃岬

使君來洲島秋應沒荷花晚

一作曉

盡開高城吹角絕

一作

罷

騶馭尚裴回

金州別姚合

日日西亭

一作臺

上春留到夏殘言之別離易勉以道途

難山出一千里溪

一作江

行三百灘松間樓裏月

一作月裏

秋

入五陵看

一作寒

夏日送田中丞赴蔡州

出守汝

一作海

南城應多戀關情地遙人久望風起旆初

行楚廟繁蟬斷淮田細雨生賞心知有處蔣宅古津

一作

松平

菊

東籬搖落後密艷被寒催夾雨驚新拆經霜忽盡開野
香盈客袖禁蘂泛天杯不共春蘭竝悠揚遠蝶來

松

枝幹怪鱗皴烟梢出澗新屈盤高極目蒼翠遠驚人待

鶴移陰

一作陰移

過聽風落子

一作子落

頻青青寒木外自與九

霄鄰

蘭

蘭色結春光氤氲掩衆芳過門階露

一作覆

葉尋澤徑連

香畹靜風吹亂亭秋雨引長靈均曾采

一作寒

擷綉珮掛

荷裳

隕葉

遶巷夾

一作隔

溪紅蕭條逐北風別林遺宿鳥浮水載鳴

蟲石小埋初盡枝長落未終帶霜書麗什間讀白雲中

李常侍書堂

結構因墳籍簷前竹未生塗油

一作鉛

窗日早閱槩幌風

輕息架蛩驚客垂燈雨過城已應窮古史師律孰齊名

寄和蔡州田郎中

一作寄和蔡州中丞題蔣亭

遺跡仍

一作路惟

留蔡幽人出漢

一作濮

朝門深荒徑在臺迴

數峰遙岼石鼓相倚

一作對

窗松偃未凋尋思方一去豈

待使君招

經貞女祠

朝賽暮還祈開唐復歷隋精誠山雨至歲月廟松衰窺
穴龍潭黑過門鳥道危不同巫峽女來往楚王祠

行漢

一作竹溪

水晚次神灘阻風

驚風山半起舟子忽停橈岼荻吹先亂灘聲

一作波

落更

跳聽松令欲暮過島或

一作忽

明朝若盡平生趣東浮看

石橋

送田中丞使西戎

同用
旗字

朝元下赤墀玉節使西夷關隴風

一作
烽

回首河湟雪灑

旗磧砂行幾月戎帳到何時應盡平生志高全大國儀

送董正字歸覲毘陵

暫辭雙旆校去未發見新鴻路入江波上人歸楚邑東山
遙晴出樹野極暮連空何以念兄弟應思潔膳同

送邵錫及第歸湖州

春闕鳥罷啼

一作啼罷

歸慶浙煙西郡守招

一作邀

延重鄉人

慕仰

一作美

齊橘青逃

一作陶

暑寺茶長

一作綠

隔湖溪乘暇

知高眺微應辨會稽

送薛重中丞充太原副使

中司出華省

一作中書華省外

副相晉陽行書答偏州啓籌參

上將營踏沙夜

一作寒

馬細吹

一作收

雨曉笳清正報胡塵

滅桃花汾水生

送靈武李侍御

靈州天一涯幕客似還家地得江南壤程分磧裏砂禁
鹽調上味

一作鹽調
土味貢

麥穗結秋花前席因籌畫清吟塞

日斜

冬夜姚侍御宅送李廓少府

王事圭峰下將還禁漏餘偶歡新歲近惜別後期疎雪
罷見來吏川昏聊整車獨吟多暇日應寄柏臺書

送喻鳧及第歸陽羨

姓字載科名無過子最榮宗中初及第江上覲難兄月

向波濤沒茶連洞壑生石橋高思在且為看東坑

送沅江宋明府即開府璟之孫

初聞從事日鄂渚動芳菲一遂釣衡薦今為長吏歸人

臨沅水望鴈映楚山飛唯有傳聲政家風重發揮

一作輝

送薛秀才遊河中兼投任郎中留後

詩古

一作苦

賦縱橫令人畏後生駕言遊禹跡知己在蒲

城日

一作月

射雲煙

一作凝

散風吹草木

一作未

榮孤吟臨寇

境莫問

一作欲

請長纓

寄姚諫議

鳴鞭靜路塵籍籍

一作寂寞

諫垣臣函疏辭專

一作封還

密爐香

立獨親篋多臨水作窗宿臥雲人危坐開寒紙燈前起
草頻

大理正任二十和江淹擬古詩二十章寄示

不啻迴青眼應疑似碧雲古風真往哲雅道濫朝聞活
獄威豪右銷時賴典墳如何經濟意未克致吾君

寄殿院薛侍御

名高意本

一作轉

閑浮俗自

一作牆
初日

難攀佐蜀連錢出朝

天獬豸還迴翔歷清院彈奏迴離班休澣通玄旨留僧

晝掩關

一作僧到休揮
翰開軒復解顏

禪林寺

台山朝佛隴勝地絕埃氛冷色石橋月素光華頂雲遠
泉和雪溜幽磬帶松聞終斷游方念爐香繼此焚

御定全唐詩卷八百十三

欽定四庫全書

御定全唐詩卷八百十四

無可

奉和裴舍人春日杜城舊事

早晚辭綸綍觀農下杜西
草新池似鏡麥暖土如泥
鷓鴣一作鷺依川宿驂騮向野嘶
春來詩更苦松韻亦含淒

酬厲侍御秋中思歸樹石所居見寄

三峰居接近數里躡雲行
深去通仙境思歸厭宦名
月

從西掌出泉向亂松鳴坐石眠霞侶秋來短褐成

奉和段著作山居呈諸同志三首次本韻

香花懷道侶巾舄立雙童解印駕鴻內抽毫水石中履
溫行燒地衣赤動霞風又似朝天去諸僧不可同

官辭中祕府疎放野麋齊偃仰青霄近登臨白日低折
腰窺乳竇定足涉冰溪染翰揮嵐翠僧名幾處題

甃收丹陛跡獨往亂山居入雪知人遠眠雲覺俗虛足
垂巖頂石纓濯洞中渠只見僧酬答新歸絕壑書

春日送鄴處士歸龍山

愛弟直霜臺
家山羨獨迴
出門時返顧
何日更西來
柳亦臨關發
花應到越開
漁舟誰伴上
依舊恣沿洄

寄興善寺崔律師

沐浴前朝像
深秋白髮師
從來居此寺
未應一作省有東

池幽石叢圭
片孤松動雪
枝頃曾聽道
話別起遠山
思

送清散一作遊太白山

卷經歸太白
躡躡蘇別蘿
龕若履浮雲
上須看積翠
南倚

身松入漢暝日月離潭此境堪長往塵中事可諳

冬晚姚諫議宅會送元緒上人歸南山

禪客詩家見凝寒忽告

一作過

還分題迴諫筆留偈在商

關盤徑緣高雪閒

一作開

房在半山自知麋鹿性亦欲離

人間

送契公自桂陽赴南海

南行登嶺首與俗洗煩埃磬罷孤舟發禪移積瘴開中
餐湘鳥下朝講海人來莫便將經卷炎方去不迴

冬中一日

一作

與諸公會宿姚端公宅懷永樂殷侍

御

柱史靜開筵所思何地偏故人為縣吏五老遠峰前賓

榻寒侵樹

一作燒

公庭夜落泉會當隨假務一就白雲禪

同劉秀才宿見贈

浮雲流水心只是愛山林共恨多年別相逢一夜吟既能持苦節勿謂少知音憶就西池宿月圓松竹深

官池上

迴疏城闕內寒瀉出雲波
岼廣山魚到汀閑海鷺過
泛溝侵道急流葉入宮多
移舸浮中沚清宵徹曉河

中秋

一本有
翫字

月

蟾宜天地靜三五對堦
堦莫照耀超諸夜光芒掩
衆星影寒池更澈露冷樹
銷一作梢青枉值中秋半
一作夜長乖宿

洞庭

雪

松亞竹珊珊心知萬井歡
山明迷舊逕溪滿漲新瀾
客

醉瑤臺曙兵防玉塞寒紅樓知有酒誰肯學袁安

宿西嶽白石院

白石上嵌空寒雲西復東瀑流懸住處鵲鶴失禪中岳
壁松多古壇基雪不通未能親近去擁褐媿相同

送僧

四海無拘繫行心興自濃百年三事衲萬里一枝筇夜
減當晴影春消過雪蹤白雲深處去知宿在何峰

送贊律師歸嵩山

一作清江詩

禪意歸心急山深定易安清貧脩道苦孝友別家難雪
路尋溪轉花宮映嶽看到時孤塔暮松月向人寒

春晚喜悟禪師自琉璃上方見過

琉璃師到城談性外諸經下嶺雪霜在近人林木清苔
痕深草履瀑布滴銅瓶樂問山中事宵言徹曉星

秋暮與諸文士集宿姚端公所居

宵清月復圓共集侍臣筵獨寡區中學空論樹下禪風
多秋晚竹雲盡夜深天此會東西去堪愁又隔年

客中聞從兄島遊蒲絳因寄

遙遙行李心蒼野入寒深
吟待黃河雪眠聽絳郡砧
差期逢缺月訪信出空林
何處孤燈下只聞嘹唳禽

送李長吉之任東井

江盤棧轉虛候吏拜行車
家世維城後官資宰邑初
市饒黃犢賣田躡白雲鉏
萬里千山路何因欲寄書

宿安國簡公院

一作安國寺靜
居法師故院

雨後清涼境因還

一作過

欲不回井甘桐有露竹迸地多

苔幡映宮牆動香從御苑

一作殿

來青龍舊經疏

德山著青龍疏

鈔
寥落有誰開

京口別崔固

積雨晴時近西風葉滿泉相逢嵩嶽客共聽楚城蟬宿
館橫秋島歸帆張遠田別君還寂寞不似剡中年

中秋夜隴州徐常侍座中詠月

隴城秋月滿太守待停歌與鶴來松杪開煙出海波氣
籠星欲盡光滿露初多若遣山僧說高明不可過

中秋江驛示韋益

莫惜三更坐難銷萬里情同看一片月俱在廣州城淚
逐金波滿魂隨夜鵲驚支頤鄉思斷無語到雞鳴

中秋臺看月

海雨洗煙埃月從空碧來水光籠草樹練影挂樓臺皓
耀迷鯨口晶熒失蚌胎宵分凭欄望應合見蓬萊

中秋夜南樓寄友人

海月出白浪湖光射高樓朗吟無綠酒賤價買清秋氣

冷魚龍寂輪高星漢幽他鄉此夜客對酌經多愁

弔從兄島

盡日歎沉淪孤高碣石人詩名從蓋代謫宦竟終身蜀
集重編否已儀薄葬新青門臨舊卷欲見永無因

題崔駙馬林亭

宮花野藥半相和藤蔓參差惜不科纖草連門留徑細
高樓出樹見山多洞庭避暑青苔滿池上吟詩白鳥過
更買太湖千片石疊成雲頂綠嵒峨

送韓校書赴江西

車馬東門別，揚帆過楚津。
花繁期到幕，雪在已離秦。
吟落江沙月，行飛驛騎塵。
猿聲孤島雨，草色五湖春。
折葦鳴風岫，遙煙起暮蘋。
鄱江連郡府，高興寄何人。

送姚中丞赴陝州

二陝周分地，恩除左掖臣。
門闌開幕重，槍甲下天新。
夾道行霜騎，迎風滿草人。
河流銀漢水，城賽鐵牛神。
意氣思高謝，依違許上陳。
何妨向紅旆，自與白雲親。

送李使君赴瓊州兼五州招討使

分竹雄兼使南方到海行臨門雙旆引隔嶺五州迎
鶴同枝宿蘭蕉夾道生雲垂前騎失山豁去帆輕雨霧
露一作蒸秋岼浪一作濤震夜城政閑開迴閣欹枕島風
清

送姚明府赴招義縣

濠梁古縣城結束赴王程道路攜家去波濤隔月行
車臨芳草下吏踏落花迎暮郭山遙見一作春洲鳥不驚

在

風煙譙國遠桑柘楚田平何以書能化長淮徹海清

送杜司馬再遊蜀中

為客應非願愁成欲別時還遊蜀國去不惜杜陵期劍

水啼猿在關林轉棧遲日光低峽口雨勢出峨眉山一作

川迴逢一作遲殘角雲開識遠夷勿令雙鬢髮併向錦城衰

贈王將軍

勲高絕少年分衛玉階前雄勇明王重溫恭執友賢功

書唐史滿一作闕名到塞垣偏劒彩浮龍影衣香襲御煙

搜書秋霽閣走馬夕陽田急兔投深草瞋鷹下半天野

人盈

一作迎

邸第朝客醉盤筵位在

一作立

將軍列官隨憲

府遷刻心思報國吁氣欲開邊選帥如公議須知少比肩

寄羽林盧大夫將軍

將軍

一作焚香

直禁闈繡服耀

一作黃

金羈羽衛九天靜英豪

四塞知望雲回朔鴈隔水射宮櫟

一作聽水入宮池

舊國無歸

思秋堂夢戰時門風荀氏敵劒藝霍家推計日旌旄下

蕭蕭萬馬隨

一作里追

書事寄萬年厲員外

帝城皆劇縣令尹美居東遂拜趙張下暫離星象中擁
歸從北闕送上動南宮舉起盆中日驅行草上風不驚

盧犬

一作聞靈鵲

吠漸見夏臺空紫禁黃山遶滄溟素滙通

封疆親日月邑里出王公逐盜千門啓興祥五稼豐胥
徒迎曉集賦稅共秋終條教闕天道歌謠入聖聰土膏
寒麥覆人海晝塵蒙解宇松連翠朝街日

一作火

散紅文

塲新桂茂粉署舊蘭崇留客把一作揮盈爵抽毫詠早鴻

公與諸文士賦早鴻詩也前騶潘岳貴故里邵平窮勸隱蓮峰久期

耕樹谷同鳬飛將去葉劒氣尚埋豐何必華陰土方垂

拂拭功

小雪

片片牙一作下玲瓏飛揚玉漏終一作露中乍微全滿地漸密

更無風集物圓方別連雲遠近同作膏凝瘠土呈瑞下

深宮氣射重衣透花窺小隙通一作透漏推窗秦增隙紛紜失藥叢

舊嶺發漢攬長空迴冒巢松鶴孤鳴穴鳥蟲過三知臘
盡盈尺賀年豐委積休聞竹稀疎漸見鴻蓋沙資澶漫
灑海助冲融草木潛加潤山河更益雄因知天地力覆
育有全功

和賓客相國詠雪詩

近臘千巖白迎春四氣催雲陰連海起風急度山來盡
日隋堤絮經冬越嶺梅艷疑歌處散輕似舞時迴道韞
詩傳麗相如賦騁才霽添松篠媚寒積蕙蘭猜暗漲宮

池水平封輦路埃燭龍初照耀巢鶴乍裴回簷日瓊先
挂牆風粉旋摧五門環玉壘雙闕對瑤臺綺席陵寒坐
珠簾遠曙開靈芝霜下秀仙桂月中裁卷幌書千帙援
琴酒百杯垂休編太史呈瑞表中台皓夜迷三徑浮光
徹九垓茲辰是豐歲歌詠屬良哉

中秋夜君山腳下看月

洶湧吹蒼霧朦朧吐玉盤雨師清滓穢川后掃波瀾氣
射繁星滅光籠八表寒來駟雲漲晚路上碧霄寬熠燿

遊何在蟾蜍食漸難
棹飛銀電碎林映白虹攢
水魄連空合霜輝壓樹乾
夜深高不動天下仰頭看

哭張籍司業

先生抱衰疾不起茂陵間
夕臨諸孤少荒居弔客還
遺文禪東岳留語葬鄉山
多雨銘旌故殘燈素帳閑
樂章誰與集壠樹即堪攀
神理今難問予將呬帝關

寄題廬山二林寺

廬岳東南秀香花惠遠蹤
名齊松一作高嶺峻氣比沃州

濃積岫連何處幽崖越幾重雙流湓隱隱九派棹憧憧
山限東西寺林交旦暮鐘半天傾瀑溜數郡見鑪峰巖
竝金繩道潭分玉像容江微匡裕路日杲晉朝松椶逕
新苞拆梅籬故葉壅嵐光生疊砌霞焰發高墉窗籟虛
聞狄庭煙黑過龍定僧仙嶠起逋客虎溪逢濩落垂楊
戶荒涼種杏封塔留紅舍利池吐白芙蓉畫壁披一作和

雲見禪衣對鶴縫喧經泉滴漚沒履草丰茸翠實欹攀
乳苔橋側杖筇探奇盈夢想搜峭滌心胸冥奧終難盡


登臨惜未從上方
薇蕨滿歸去養乖慵

御溝水

鑿禁疏雲數道開
垂風岼柳拂青苔
銀波玉沫空池去
曾歷千巖萬壑來

中秋月彩如畫寄上南海從翁侍御

海靜天高景氣殊
鯨睛失彩蚌潛珠
不知今夜越臺上
望見瀛洲方丈無



御定全唐詩卷八百十四



■

■

■

欽定四庫全書

集部

御定全唐詩卷八百十五
六

詳校官庶吉士_臣何道沖

主事銜_臣徐以坤覆勘

總校官知縣_臣繆琪

校對官中書_臣金光悌

謄錄監生_臣蔣如燕

欽定四庫全書

御定全唐詩卷八百十五

皎然

皎然名晝姓謝氏長城人靈運十世孫也居杼山文章
儁麗顏真卿韋應物並重之與之酬倡貞元中勅寫其
文集入於秘閣詩七卷

奉酬于中丞使君郡齋卧病見示一首

宿昔祖師教了空無不可枯槁未死身理心寄行坐仁

公施春令和風來澤我生成一草木大道無負荷論入
空王室明月開心胸性起妙不染心行寂無蹤若非禪
中侶君為雷次宗比聞朝端名今貽郡齋作真思凝瑤
瑟高情屬雲鶴挾得驪龍珠光彩曜掌握若作詩中友
君為謝康樂盤薄西山氣貯在君子衿澄澹秋水影用
為字人心羣物如鳬鷖遊翔愛清深格居第一品高步
凌前躅精義究天人四坐聽不足伊昔柳太守曾賞汀
洲蘋如何五百年重見江南春公每省往事詠歌懷昔

辰以茲得高卧任物化自淳還因訪禪隱知有雪山人

贈李中丞洪一首

深沉閫外畧

一作權

奕世當榮寄地裂大將封

一作軍

家傳

介珪瑞至今漳河俗猶受仁人賜公初鎮惟邢

一作淮荆

決

勝無精兵重圍逼大敵六月守孤城政用仁恕立恩繇

賞罰明遂令麾下士感德不顧生於時聞王師諸將兵

頗黷天子狩南漢煙塵滿函谷純臣獨耿介下士多反

覆明公仗忠節一言感萬夫物性如疾藴化作春蘭敷

見說

一作
說

金被鑠終期王有瑜移官萬里道君子情何

如伊昔避事心乃是方袍客頓了空王

一作
心

肯仍高致

君策安知七十年一朝值宗伯言如及清風醒然開我

懷晏息與遊樂

一作
遊

不將衣褐乖海底取明月鯨

一作
衝

波不可度上有巨蟒吞下有

一作
多

毒龍護一與吾師言

乃於中心悟咄哉冥冥子胡為自塵污

一作
自污
塵

杼山禪居寄贈東溪吳處士馮一首

青雲何潤澤下有賢人隱路入菱湖深跡與黃鶴近野

風吹白芷山月搖清軫詩祖吳叔庠致君名一作才不盡

身當青山秀

詩曰家住青山下青山有吳均故宅後改為吳均山

文體多鄧聲澄

澈湘水碧沈寥楚山

一作天

青

一作清

時人格不同至今罕

知名昔賢敦師友此道君獨行既得廬霍趣乃高雷遠
情別時春風多掃盡雪山雪為君中夜起孤坐石上月
悠然遺塵想邈矣達性說故人不在茲幽桂惜未結

妙喜寺高房期靈澈上人不至重招之一首

晨起峯頂心懷人望空碧掃雪開寺門灑水淨僧席言

笑形外阻風儀想中覲馳心驚葉動傾耳聞泉滴豈慮
吃虎逢乍疑崩湍隔前期或不顧知爾隳常格如今誰
山下一作下山秋霖步漸漉吾亦聊自得行禪荷輕策松聲
暢幽情山意導遐迹舉目無世人題詩足奇石貧山何
所有持此邀來客

奉和薛員外誼贈湯評事衡反招隱之跡

一作作

兼見寄十二韻

喜友稱高儒曠懷美無度近為東田誘遂耽西山趣庭

有介隱心得無雲泉誤府公中司貴頻貽咫尺素郡佐
仙省高亦贈瓊瑤句誚茲長往志紆彼獨遊步禪子方
外期夢想山中路艱難親稼穡晨夕苦煙霧曷若孟嘗
門日榮國士遇鏗鏘聆綺瑟攀折邇瓊樹幽踐隨鹿麋
久期怨蟾兔情同不繫舟有跡道所惡

答黎士曹黎生前適越後之楚

楚木紛如麻高松自孤直願得苦寒枝與君比顏色故
鄉眇天末羈旅滄江隅委質在忠信苦心無變渝何繇

表名義贈君金轆轤何以美知才投我懸黎珠遽為千

里別南風思越絕愛君隨海鷗倚櫂宿沙月不棲惡木

上宵蹈巴蛇穴

台人表朝逆命故君不踐其上

一上蕭然峯擬蹤幽人

轍晨興獨西望郢水期泝沿夜到洞庭月秋經雲夢天
黎生知吾道此地不潛然欲寄楚人住學拏漁子船奈
何北風至攪我窓中絃遊子動歸思江離亦綿綿篋中
封禪書欲獻無繇緣豈乏晨風翼翻飛到日邊

答豆盧次方

吾愛道交論為高貴世名昔稱柴桑今聞豆盧生彼
生清淮氣獨鍾文中彩近作公讌詩如逢何柳在吾用
古人耳抹君四座珍賢士勝朝暉溫溫無冬春朝暉爍
我肌賢士清我神微爾與雲鵠幽懷何繇申別來秋風
至獨坐楚山碧高月當清冥禪心正寂歷增波徒相駭
人遠情不隔有書遺瓊什以代貂襜褕風教凌越絕聲
名掩吳趨懸壁安可酬徙倚還踟躕

答蘇州韋應物郎中

詩教殆淪缺庸音互相傾忽觀風騷韻會我夙昔情蕩
漾學海資鬱為詩人英格將寒松高氣與秋江清何必
鄴中作可為千載程受辭分虎竹萬里臨江城到日掃
煩政况今休黷兵應憐禪家子林下寂無營跡隳世上
華心得道中精脫畧文字累免為外物撓書衣流埃積
硯石駁蘚生恨未識君子空傳手中瓊安可誘我性始
願愆素誠為無驚驚意繼公雲和笙吟之向禪藪反媿
幽松聲

答鄭方回

獨禪外念入中夜不成定顧我顚顚容澤君陽春詠詞
貞思且逸瓊彩何暉映如聆雲和音況覩聲名盛琴語
掩為去聲聞山心聲宜聽是時寒光澈萬境澄以淨高秋

日月清中氣天地正遠情偶茲夕道用增寥曠思君處

虛空一操不可更時美城北徐家承谷口鄭軒車未有

轍蒿蘭且同徑莊生誠近名夫子罕言命是以一作時耕

楚田曠然殊獨行姜蕤鸞鳳彩特達珪璋性通隱嘉黃

綺高儒重荀孟世污

平聲

我未起道寒吾猶病逸翮思冥

冥潛鱗樂游泳宗師許學外恨不逢孔聖說詩迷顏靡

偶俗傷趨競此道誰共

一作共誰

詮因君情欲罄

答俞校書冬夜

夜閑

一作來

禪用精空界亦清迴子真仙曹吏好我如宗

炳一宿覲幽勝形清煩慮屏新聲殊激楚麗句同歌郢

遺此感予懷沈吟忘夕永月彩散瑤碧示君禪中境真

思在杳冥浮念寄形影逼得四明心

答四明

何須蹈岑嶺

詩情聊作用空性惟

一作復

寂靜若許林下期看君辭簿

領

妙喜寺達公禪齋寄李司直公孫房都曹德裕

從事方舟顏武康士騁四十二韻

我祖傳六經精義思朝澈

莊子曰守之九日而後能外生外生而後能朝澈

方

舟頗周覽逸書亦備閱墨家傷剝薄

墨流剝薄而不仁可以理身不可以

濟世

儒氏知優劣弱植庶可彫苦心未嘗輟中年慕仙術

永願傳其訣歲駐若木景日餐瓊禾屑嬋娟美門子斯

語豈徒設天上生白榆葳蕤信好折實可反柔顏花堪

養元髮求之性分外業棄金亦竭藥化成白雲形彫辭

素穴

素穴山名

一聞西天旨初禪已無熱

第四禪中有天名無熱無三災之患

故以為名今初禪即得益詩人美已證超出常

涓子非我宗然公有真訣却尋

丘壑趣始與纓紱別野飯敵膏粱山楹代藻梲與君北

巖侶遊寓日常昡靜對春谷泉晴披陽林雪境清覺神

王道勝知機滅詣寂長杳冥忘歸暫采擷物生豈有心

麗容俟予別桂子何莫苓琪葩亦皎潔此木生意高亦

與衆芳列賞心識屢換省躬悟彌切微尚若不虧足以
全吾節北風吹蕙帶蕭寥聞蜻蛚宿昔廬峰期流芳已
再歇不有清屏鑒使我商弦絕願寄千里心月高不可
掇優游邦之直遠矣踵前烈立俗忘毀譽遇物遺巧拙
真氣獨脩然軒裳詎能絀都曹風韻整綱紀信明決於
交必傾寫立行豈矜伐政與清渭同分流自澄澈裴侯
資亮直中誠豈徒說古人比明義清士願交結溫溫躬
珪彩終始聲不缺顏生炯介士有志不可越仗義冒險

難

一作艱

持操去淄涅世論高二賢

即魯公猶子也

賢賢繼前哲

四子遭明盛哀然皆秀傑理明雖殊跡悟道寧異轍愛爾竹柏姿為予寒不折

遥酬袁使君高春暮行縣過報德寺見懷

江春行求瘼偶與真境期見說三陵下前朝開佛祠停舟仰麗剎繡組發香墀咫尺空界色天人花落時盛游限羸疾悚踴瞻旌旗峯翠美閑步松聲入遥思素高淮陽理况負東山姿迨此一登覽深情見新詩

冬日遙一作奉和盧使君幼平綦母居士遊法華

寺高頂臨湖亭一作奉和盧使君幼平遊朝陽山寺臨太湖時在郭不得往

仁坊一作祠標一作當絕境廉守一作明牧躡高一作靈蹤天曉纔

分剎風傳欲盡鐘一作欲到心涼地初聞斷續鐘城中歸路遠一作在湖

上碧山重水照千花界雲開七葉峯寒芳一作空艾綬滿

空一作晴翠白綸濃逸韻知難繼佳遊恨不逢仍聞撫禪

石為我久從容

秋日遙和盧使君遊何山寺宿歇上人房論涅槃

槃經義

江郡當秋景期將道者同跡高憐竹寺夜靜賞蓮宮古
磬清霜下寒山曉月中詩情緣境發法性寄筌空翻譯
推南本何人繼謝公

酬秦山人系題贈

出齋步杉影手自開禪扉花滿不污地雲多從觸衣思
山石蘚淨歎客露葵肥果得宗居士論心到極微

奉酬袁使君高寺院新亭對雨

其亭即使
君所創

茲亭跡素淺勝事併隨公法界飄香雨禪窓灑竹風浮
烟披夕景高鶴下秋空冥寂四山久寧期此會同

奉酬顏使君真卿見過郭中寺寺無山水之賞
故予述其意以答焉

州西柳家寺禪舍隱人間證性輕觀水棲心不買山履
聲知客貴雲影悟身閑彥會前賢事方今可得攀

酬烏程楊明府華雨後小亭對月見呈

夜涼喜無訟霽色搖閒情暑退不因雨陶家風自清凝

弦停片景發詠靜秋聲何事禪中隱詩題忽記名

自蘇州訪醫廻酬盧士關判官見贈

尋醫初疾理忽憶故山雲遠訪桑公子還依柳使君周
旋承惠愛佩服此蘭薰從事因高唱秋風起處聞

題沈

一作雷

道士新亭

何處好攀躋新亭俯舊溪坐中千里近簷下四山低小
浦依林曲廻塘繞郭西桃花春滿地歸路莫相迷

送盧仲舒移家海陵

世故多離散東西不可嗟小秦非本國楚塞復移家海
島無隣里鹽居少物華山中吟夜月相送在天涯

陪盧使君登樓送方

一作萬

巨之還京

萬里汀洲上東樓欲別難春風潮水漫正月柳條寒旅
逸逢漁浦清高愛烏冠雲山寧不起今日向長安

同裴錄事樓上望

一本此下有月字

退食高樓上湖山向晚晴桐花落萬井月影出重城水
竹涼風起簾幃暑氣清蕭蕭獨無事因見涖人情

寓興

天下

一作上

生白榆白榆直上連天根高枝不知幾萬丈

世人仰望徒攀援誰能上天採其子種向人間笑桃李

因問老仙求種法老仙咤我愚不答

一作咤始知此不我答

始知此

道無所

一作終無

成還如瞽夫學長生

寄常一上人

雁塞

一作塞雁

五山臨汗漫雲州一路出青冥何因請住嘉

祥寺內史新修湖上亭

送祕上人遊京

共君方異路山伴與誰同
日冷行人少時清古鎮空
煖瓶和雪水鳴錫帶江風
撩亂終南色遙應入夢中

賦得

一本此下有巴峽二字

啼猿送客

萬里巴江外

一作水

三聲月

一作出

峽深何年有此路幾客

共霑襟斷壁

一作臂

分垂

一作連一作重

影流泉入苦吟悽涼離

別後

一作淒淒別離處

聞此更傷心

南樓望月

夜月家家望，亭亭愛此樓。
纖雲溪上斷，疎柳影中秋。
漸映千峯出，還分萬派流。
關山誰一作時復見，應獨起邊愁。

尋陸鴻漸不遇

移家雖一作唯

帶郭野徑入桑麻，近種籬邊菊秋來未著。

花扣門無犬吠，欲去問西家，報道中山去。

一作出

歸時每

日斜

一作歸來
日每斜

懷舊山

一作滄浩詩題云
留別嘉興知己

一坐西林寺，從來未下山。
不因尋長者，無事到人間。
宿

雨愁為客寒花笑未還空懷舊山月童子念經開

宿吳匡山破寺

雙峯百戰後真界滿塵埃蔓草緣空壁悲風起故臺野
花寒更發山月暝還來何事池中水東流獨不迴

九月十日

愛殺柴桑隱名溪近訟庭掃沙開野步搖舸出閑汀宿
簡邀詩伴餘花在酒瓶悠然南望意自有岷山情

秋晚

一作
晚秋

宿破山寺

秋風落葉滿空山古寺

一作殿

殘燈石壁間昔日經行人

去盡寒雲夜夜自飛還

青陽上人院說金陵故事

君說南朝金盛日秣陵才子更多人千

一作十

年秋色古

池館誰見齊王西邸春

送僧之京師

綿綿渺渺楚雲繁萬里西歸望國門禪子初心易悽斷
秋風莫上少陵原

送許丞還洛陽

剡茗情來亦好斟
空門一別肯霑襟
悲風不動罷瑤軫
忘却洛陽歸客心

題湖上草堂

山居不買剡中山
湖上千峯處處閑
芳草白雲留我住
世人何事得相關

酬李司直縱諸公冬日遊妙喜寺題照昱二上人房寄長城潘丞述

達賢貴貞隱常懼迹不滅遂與永公期遺身坐林樾華
軒何轉轉為我到幽絕心境寒草花空門青山月潘生
獨不見清景屢盈缺林下常寂寥人間自離別何時解
輕佩來稅丘中轍

贈烏程李明府伯宜沈兵曹仲昌

水國苦彫瘵東臯豈遺黍雲陰無盡時日出常帶雨昨
夜西溪漲扁舟入簷廡野人同鳥巢暴客若蜂聚歲晏
無斗粟寄身欲何所空羨鸞鶴姿翩翩自輕舉

奉酬顏使君真卿王員外圓宿寺兼送員外使

迴

魯公邀省客貧寺人過少錦帳惟野花竹屏有憲篠朝
行石色淨夜聽泉聲小釋事情已高依禪靜無擾超遙
長路首悵望空林杪離思從此生還將此心了

杼山上峯和顏使君真卿袁侍御五韻賦得印
字仍期明日登開元寺樓之會

道情寄遠岳放曠臨千仞香路延絳騶華泉寫金印日

歌諸天近雨過三華潤留客雲外心忘機松中韻靈嘉
早晚期為布東山信

同薛員外誼喜雨詩兼上楊使君

積旱忽

一作思

飛澍

一作灑

烝民心

一作喜

亦傾郊雲不待族

雨色飛江城焦稼濯又發敗荷滋更榮時隨霧縠重乍
集柳絲輕一宿恐魚飛數朝徵鶴鳴毒暑澄為冷高塵
滌還清乃知陰隲數制在造

一作理

化情及此接歡賀臨

風聞頌聲

南湖春泛有客自北至說友人岑元和見懷因
叙相思之志以寄焉

故人隔楚水日夕望芳洲春草思眇眇征雲暮悠悠心
期無形影跡曠成阻修有客江上至知君佐雄州鏗鏘
佩蒼玉躑躅驅絳騶伊昔中峯心從來非此流資予長

生訣

予嘗授以
胎息之訣

希彼高山儔此情今如何宿昔師吾謀

別後謁禪老更添石室籌深見人間世飄如水上漚蟬
號齊王郎月苦隋帝樓聲華盡冥冥麋鹿徒呦呦我有

一字教坐然遺此憂何煩脫絰組不用辭王侯祇在名
位中空門兼可遊

同薛員外誼久旱感懷寄兼呈上楊使君

皇天鑒不昧緬想何亢極絲雨久愆期綺霞徒相惑陰
雲舒又卷濯枝安可得涸井不累瓶乾溪一憑軾赤地
芳草死飈塵驚四塞戎寇夜刺閨民荒歲傷國賴以王
猷盛中原無凶慝楊公當此晨省災常旰食獨感下堂
雨

自州南諸鄉降甘澤長城顧渚
平地雨一尺水分流澤數鄉也

偏喜越境域秋郊天

根見我疆看稼穡請迴雲漢詩為君歌樂職

兵後早春登故鄣南樓望崑山寺白鶴觀示清

道人并沈道士

第十九句
空一字

新陽故樓上眇眇傷遐睠達世情易忘羈時得無倦春
歸華柳發世故陵谷變擾擾陌上心悠悠夢中見蒼林
有靈境杳映還可羨春日倚東岑華泉落西甸鐘聲在
空碧幡影搖蔥蒨緬想山中人神期如會面別離芳月
積岐路浮雲徧正入空門仙君依苦縣隴形捨簪紱

烹玉思精鍊事外宜我心人間豈予戀身遺世自薄道
勝名必賤耳目何所娛白雲與黃卷

酬烏程楊明府華將赴渭北對月見懷

釋印及秋夜身閑境亦清風襟自瀟灑月意何高明聞
說武安君萬里驅妖精開府集秀士先招士林英晉家
用元凱亦是魯諸生北望撫長劍感君知己行邊塵昏
玉帳殺氣凝金鎧大敵折齊組一書下聊城翻飛青雲

路宿昔滄洲情

答來詩云悠然
顧山侶之句

酬邢端公濟春日蘇臺有呈袁州李使君兼書
并寄辛陽王三侍御

大賢當佐世堯時難退身如何丹霄侶却在滄江濱柳
色變又徧鶯聲聞亦一作頻賴逢宜春守共賞南湖春

營道知止足飾躬無緇磷家將詩流近迹與禪僧親放
曠臨海門朝翔望雲津雖高一作多空王說不久山中人

上句答端公
學無為之句

奉和裴使君清春夜南堂聽陳山人彈白雪

春霄凝麗思閑坐開南園郢客彈白雪紛綸發金徽散
從天上至集向瓊臺飛弦上疑颯颯虛中想霏霏通幽
鬼神駭合道精鑒稀變態風更入含情月初歸方知阮
太守一聽識其微

答孟秀才

羸疾依小院空閑趣自深躡苔憐靜色掃樹共芳陰物
外好風至意中佳客尋虛名誰欲累世事我無心投贈
荷君芷馨香滿幽襟

酬崔侍御見贈

買得東山後逢君小隱時五湖遊不厭

一作未足

栢署跡如

遺市隱

一作儒服

何妨道禪棲

一作心

不廢詩與君為此說

一作從

居士說

長破小乘疑

一本無前四句

贈柳喜得嵩山法門自號嵩山老

一作贈柳先生

一見嵩山老吾生恨太遲問君年幾許曾出

一作見

上皇

時

酬李補闕紓

不住東林寺雲泉處處行近臣那得識禪客本無名

湖南蘭若示大乘諸公

未到無為岸空憐不繫舟東山白雲意歲晚尚悠悠

兵後經永安法空寺寄悟禪師

其寺賊所焚

常說人間法自空何言出世法還同微蹤舊是香林下
餘燼今成火宅中後夜池心生素月春天樹色起悲風
吾知世代相看盡誰悟浮生似影公

春日杼山寄贈李員外縱

南山唯與北山鄰古樹連拳伴我身

一作一閉禪門老此身

黃鶴

有心多不住白雲無

一作何

事獨相親閑持竹錫深

一作時一作

作行看水嬾繫麻衣出見人欲掇幽芳聊贈遠

一作無限幽蘭從欲

寄

郎官那賞

一作許

石門春

酬秦山人贈別二首

知君高隱占賢星卷葉時時注佛經姓被名公題舊里

泰君里

詩將麗句號新亭

麗句亭

來觀新月依清室欲漱香

泉護觸瓶我有主人江太守如何相伴住禪靈

江淹為宣城守

常會禪

靈寺

誰知卧病不妨禪
跡寄詩流性似偏
葉示黃金童子愛
書題青字古人傳
時高獨鶴來雲外
每羨閑花在眼前
對此留君還欲別
應思石澗音四訪春泉

山居

一作歸

示靈澈上人

晴明路出山初暖
行踏春蕪看茗歸
乍削柳枝聊代札
時窺雲影學裁衣
身閑始覺隳名是
心了方知苦行非

物外寂中誰似我
松聲草色共無一作忘

機

遙和康錄事李侍御萼小寒食夜重集康氏園
林

習家寒食會何頻，應恐流芳不待人。
已愛治書詩句逸，更聞從事酒名新。
庭蕪暗積承雙履，林鶻雷飛灑幅巾。
誰見柰園時節共，還持綠茗賞殘春。

釋裴循春愁

一作怨

蝶舞鶯歌喜歲芳，柳絲裊裊蕙帶長。

一作蘭香

江南春色共

君有

一作看

何事君心獨自傷

西白溪期裴方舟不至

望君不見復何情
野草閑雲處處生
應向秦時武陵路
花間寂歷一行人

勞山憶棲霞寺道素上人久期不至

遠寺蕭蕭獨坐心
山情自得趣何深
泉聲稍滴芙蓉漏
月影纔分鸚鵡林
滿地雲輕常礙屐
繞松風近每吹襟
貪閑不記前心偈
念別聊為出世吟
更待花開徧山雪
山山相似若為尋

酬秦山人出山見呈

手攜酒榼共書幃迴語長松我即歸若是出山機已息
嶺雲何事背君飛

酬秦山人見尋

左右香童不識君擔簦訪我領鷗羣山僧待客無俗物
惟有窓前片碧雲

宿法華寺簡靈澈上人

至道無機但

一作心與
空林共

杳冥孤燈寒竹自青

一作
熒

熒不

知何處小乘客一夜風來

一作前

聞誦經

潛別離

烏頭雖黑白有

一作有白

時惟有潛離與暗別彼此甘心無

後期

御定全唐詩卷八百十五